

欽定四庫全書

子部

御纂醫宗金鑑

目錄卷二十九



南京中医药大学图书馆版权所有

詳校官太醫院醫士臣舒岱

編修臣倉聖脈覆勘

欽定四庫全書

御纂醫宗金鑑卷二十九

刪補名醫方論卷四目錄

黃連解毒湯

三黃湯

二黃湯

三黃石膏湯

涼膈散

竹葉黃耆湯

清胃散

導赤散

五淋散

八正散

逍遙散

龍膽瀉肝湯

左金丸

瀉青丸

當歸龍薈丸

越婢加半夏湯

小青龍加石膏湯

清燥救肺湯

麥門冬湯

人參清肺湯

人參定喘湯

人參瀉肺湯

瀉白散

阿膠散

二陳湯

溫膽湯

小半夏湯

小半夏加茯苓湯

外臺茯苓飲

御纂醫宗金鑑卷二十九目錄

欽定四庫全書

醫宗金鑑卷二十九

雜考名醫方論卷四

東漢解書湯

治一切陽熱大盛面赤口乾狂燥心煩錯語不眠大

熱乾嘔上血衄血及下後大便不實熱仍不已者

黃連

黃連

水煎服

集註

汪昂曰寒極曰陰毒熱極曰陽毒是方名曰黃連解毒是君以黃連直解心經火毒也黃芩瀉肺經火毒黃蘗瀉腎經火毒梔子通瀉三焦火毒使諸火毒從膀胱出若大便實者加大黃名梔子金花湯利大便是使火毒從大小二便而出也蓋陽盛則陰衰火盛則水衰故用大苦大寒之藥抑陽而扶陰瀉其亢甚之火而救其欲絕之水也然非實

熱不可輕投

按

黃連解毒湯白虎湯三黃石膏湯大青龍湯皆治
表裏俱熱證然大青龍湯治表實壯熱裏熱之淺
在肌三黃石膏湯治表實壯熱裏熱之深在胃故
一以石膏佐麻桂一以石膏佐麻豉均發太陽之
表解陽明之裏也大青龍湯則更以杏草薑棗佐
麻黃其意專發熱鬱之在肌也三黃石膏湯則更
以芩連梔蘖佐石膏其意專瀉熱深之在胃也白

虎湯治表熱在肌裏熱在胃所以不用麻桂以發
太陽專主石膏而清陽明也解毒湯治表熱在三
陽裏熱在三焦所以亦不以麻桂發太陽表亦不
以石膏清陽明裏而專以三黃瀉上下內外之實
火也此皆太陽之邪侵及陽明而未入府成實者
也若已入府成實則又當從事乎三承氣湯以下
其熱也

三黃湯

治三焦實熱一切有餘火證大便秘結者

黃芩

大黃

黃連

各等分

水煎服

二黃湯

治上焦火旺頭面大腫目赤腫痛心胸咽喉口舌耳

鼻熱盛及生瘡毒者

黃芩

黃連

甘草

各等分

水煎食後服

註

三黃湯用黃芩瀉上焦火黃連瀉中焦火大黃瀉下焦火三焦實火大便實者誠為允當若大便不實者黃連解毒湯證也以大黃易黃蘗者因其下焦熱結未實也加梔子者使其熱不從大便出而從小便出也上中二焦實火用涼膈散若夫上焦

實火則以此湯之大黃易甘草名二黃湯使苓連
之性緩緩而下留連膈上張潔古以涼膈散減消
黃加桔梗亦此義也雖同一瀉火之劑而其中上
下緩急輕重之不同此皆加減轉換法也不可不
知

三黃石膏湯

治傷寒陽證表裏大熱而不得汗或已經汗下過經
不解六脈洪數面赤鼻乾舌燥大渴煩躁不眠譫語
鼻衄發黃發疹發斑以上諸證凡表實無汗而未入
裏成實者均宜主之

石膏

兩半

黃芩

黃連

黃蘗

麻黃

已上各
七錢

淡豆豉

二合